

大乘理趣六波罗密多经发菩提心品讲录 科判

罽宾国三藏般若 奉诏译 太虚大师 讲录

释道净 整理 1 稿 qq 973451196 校对

表 1: (2 表)

(依校对)

科判		经文			
悬论分二	一、释题分二		甲 经题	乙 品题	
	二、提要分二		甲 经纲	乙 显胜	
释经分二	甲一、叙前启问分二	乙一、叙前	尔时、薄伽梵作狮子吼显明秘密总持门已，时慈氏菩萨摩诃萨即从座起，偏袒右肩，右膝着地，一心合掌而白佛言： ‘善哉！善哉！ 大圣世尊能以大悲赞说如是秘密甘露胜陀罗尼，守护国界。 惟愿世尊哀愍众生，宣说阿耨多罗三藐三菩提法，令诸有情未发心者云何发心？ 已发心者云何修行？复何因缘于大乘心得不退转’？		
		乙二、启问			
	甲二、受请正说分二	乙一、标发五心		尔时、薄伽梵告慈氏菩萨摩诃萨言： ‘若有善男子、善女人，欲为有情修大乘行，欲度有情置大涅槃，应当先发五种胜心。 云何为五？ 一者、于诸有情普发平等大慈悲心。 二者、于一切种智心不退转。 三者、于诸有情起亲友想，于险难中誓当救护。 四者、常于有情起负债想。 五者、恒怀惭愧，何时偿毕？ 能发如是五种心者，速能证得阿耨多罗三藐三菩提。	
		丁一、喻初二心	复次、慈氏菩萨摩诃萨！云何于大乘中一心修行得不退转？ 如往昔时有一商人，聪慧明达，常行仁孝，恒见父母宗亲贫苦，常怀忧恼逼切身心，以何方便而能给济？ 作是思维：“无过入海采如意宝而供给之，得离贫苦”。 以是因缘，发勇猛心，不惜躯命，从家而出，种种方便求觅资粮，及诸善伴船及船师。		
乙二、广明五心分二		丙一、喻说分二	于其中路，遇一异人从海而还，乃问此人：“如是忽遽，欲何所之”？ 商人具答如上因缘，为救贫穷，今欲入海求如意宝以相资给。 彼异人言：“我昔离家亦复如是，为济亲族贫穷诸苦； 既发家已，路经旷野，度大砂碛绝无水草，多有野象、虎、豹、豺、狼、毒蛇、狮子，或遇劫贼、大山、大河、饥渴、寒热惊惧怖畏种种危难。 与彼船师方至大海，又遇大风、大鱼、恶龙、雷电、雹雨，鼓浪洄洑，多有留难，不可具说。 虽受如是种种诸苦，尚不能获如意宝珠； 但得资身，粗自供足，犹未能济贫乏之亲。 今劝仁者勿强艰苦，徒自疲劳！吾欲与仁别为经理，所以者何？ 然彼大海有种种难，黑风、黑山、药叉、罗刹、摩竭、蛟龙，众难非一，但曾闻有如意珠名，往者千万获无一二。 以是因缘，劝于仁者宜速回还”。		
		丁二、喻后三心分二	尔时、商主闻是语已，倍复增进，发三胜心入海不退。云何为三？ 一者、父母兄弟宗亲贫苦若斯，如何空归不相救济？ 二者、我之亲属，昔时富有惠我衣食怜愍于我，今者贫穷命不全济，如何放舍而欲退还？ 三者、我在家时处理家务，策役驱使大小童仆种种呵责，如何贫苦不相赈恤令彼欢喜，而欲却还。 以是因缘，念酬恩德，发大勇猛决定前进，要当入海求如意宝，得已还家济于亲属，恣其所用永离艰穷。		

表 2: (2 表)

释经分二	甲二、受请正说分二	乙二、广明五心分二	丙二、法合分二	丁一、初心	<p>菩萨摩訶萨亦复如是：发菩提心，观于十方六趣、四生皆是我之宿世父母，怜愍我故造诸恶业，堕于地狱、饿鬼、畜生，受诸苦恼。</p> <p>以是因缘而自思惟：以何方便济斯苦难？作是念已。</p> <p>唯有入于六波罗密多大法海中求佛种智，拯济有情生死之苦。</p> <p>如是思已，发大勇猛无退屈心，精进勤求无有懈倦，种种方便求觅资粮，菩提善伴、法及法师。</p>
				丁二、合后三心分二	<p>中途，遇一魔王、领诸眷属，或现天身、或现人身、婆罗门身、或作商主、苾刍、苾刍尼身，或余种种异类之身。</p> <p>彼魔王问菩萨言：“汝今匆忙，欲诣何所”？</p> <p>菩萨答言：“我为一切苦恼众生，今欲入于六度大海求佛种智如意宝珠，以救一切贫乏众生”。</p> <p>魔王复云：“我初发心亦复如是，为度一切苦恼众生出生死家，度大流转旷野砂碛，备受饥渴、盗贼、恐怖，众难非一，方至六度大法海中。</p> <p>或遇乞头，或逢乞眼、耳、鼻、舌、身、手、足、肢节、心、肺、肠胃、肝、胆、脾、肾、国、城、妻、子、奴婢、仆使、如是种种随乞而施，不生悭吝，勤求智宝。</p> <p>经无量劫，生死流转在于苦海，虽受种种诸苦难事，犹不能获无上菩提，而但回求阿罗汉果，出离三界寂灭涅槃。</p> <p>我今劝汝勿强劳苦，应自修持，吾欲与汝共阶此果。所以者何？</p> <p>我念三涂常受饥苦，心思吞啖，仰面向空，谁来入口充我一饱？</p> <p>种种苦难逼切身心，人命无常过于山水，善知识者难遭难遇，若不信受后悔何追？</p> <p>生死海中流转不定，心如水月何有实耶！</p> <p>恶知识者易见易逢，恒乐劝人行菩萨道，舍财舍命望趣菩提。</p> <p>况诸佛出兴，时乃一现，求者千万，得无一二，以是劝仁不须劳苦，应求解脱自取涅槃。</p> <p>又三无数劫受诸勤苦方能获得佛果菩提，此生、三生证阿罗汉，一种无学何用苦为？</p> <p>无智愚人希佛果，备历艰苦经无量劫，尚未闻证阿罗汉果，何况能得无上菩提！</p> <p>譬如有人获一小鸟，更见有一咖噜啰王，即放手中已所执鸟，便前捕捉咖噜啰王，大者飞翔，小者复失，愚求佛果亦复如是。</p> <p>弃此求余，二果俱失。既知是已，愿早回心，于此生中必证罗汉。”</p>
				戊一、合出其障碍	<p>尔时、菩萨闻是语已转增勇猛，发三种心。</p> <p>云何为三？</p> <p>一者、一切众生从无始际生死已来皆我所亲，或为朋友，现受苦恼未得免离，如何退还？</p> <p>二者、一切众生从无始已来给我衣食，怜愍我深，今受轮回苦难非一，云何未报乃生退心？</p> <p>三者、一切众生从无始际皆我眷属，策役驱使转相呵责，未曾少分酬报彼恩，以是因缘不应退屈，更增勇猛求证菩提。</p> <p>若证菩提一切智宝，用济生死苦难众生，是名菩萨摩訶萨于大乘中一心修行得不退转。</p>
丁三、结成五心	<p>复次、慈氏！当知即是菩萨摩訶萨修大乘行，发五种心。</p> <p>此五心中，一者、于诸有情起大悲心；</p> <p>二者、为诸有情求一切智，心无退转；</p> <p>此二心者、于大乘法精进修行。</p> <p>三者、一切有情皆我亲友；</p> <p>四者、一切有情于我有恩，未有毫厘用相酬报；</p> <p>五者、一切有情皆我眷属，我曾于彼起不善业种种诃骂非理责罚，深心惭愧，何时偿毕！</p> <p>此之三心，令诸菩萨勇猛不退，乃至证得阿耨多罗三藐三菩提’。</p>				